

# 平鄉縣志

陳貢鋈題

壹



地. 130.175

39.1

= 1~4

民國壬午翻印

# 平鄉縣志

子銳陳貢鑒題





平鄉縣知事陳貢鑒



平郷縣首席參事和田正明

翻印平鄉縣志序

縣之有志猶國之有史家之有譜也國無史則理亂興衰之由不可考家無譜則宗族支派之來不可知縣無志則風土文獻之紀不可稽其間政治推移禮俗沿革戶口強弱財賦盈絀用以撫式成規率開新紀者所係綦重不容或闕平鄉縣志重脩於有清光緒丙戌迄今將近六十年閱歲歷世滄海桑田邑人又質樸少文不知收拾近更兵劫事變散失幾盡余於民國己卯夏六月來長斯邑適當兵燹之後正值災劫之餘官廨城垣徒存墟址檔案典籍悉為灰燼土匪橫行四野人民逃避一空政權所及者僅附城近郭三四十村之數傷殘彫敝推政維艱欲求縣誌一帙藉觀成規以助新治幾如鳳毛麟角豈不可

平鄉縣志

序

一

得乃亟謀諸父老廣事尋求以重金搜購喜獲全書披覽詳閱始知斯邑人民風尚之習政治遞嬗之機戶口強弱之分財賦盈絀之數龔治在鑑蕭規可隨因而式則式效惓惓經營撫輯流亡召降匪盜不主剿殺專重感化悉本佛法慈悲之旨一反亂世重典之例往其光陰於今三載幸得匪徒斂跡流亡來歸政令推行全縣人民日漸安居交通便利商業繁興建設粗成學校林立追昔撫令克免愆尤者無非賴斯志借鏡之力惟念僅此一帙保存匪易設或損失責有攸歸若云重脩而又遺老盡文獻闕資材搜集一時綦難倘草率敷衍徒博脩志之虛名而無脩志之實跡流傳之後轉貽笑柄佛頭點糞求榮反辱愚維至再除照舊翻印外別無他途爰於本年六月十日貢鑒莅任平鄉三週

年紀念之期檢出全書付諸梓人翻印二百部遍發鄉鎮囑善寶藏  
俾歲和時豐之日後來賢者嗣而脩之嗟乎留典存書始諸前哲  
述文傳史期待後賢余學識窮陋雖不能繼紹重脩發揚光大  
然亦不敢坐視存廢使斯志自我而湮滅不彰問心無愧於願已  
足是為序

中華民國三十一年國曆六月十日

署理平鄉縣知事陳貢璽

## 續修平鄉縣志舊序

治邑於殘破之區難矣志邑於遺闕之餘則尤難當搶攘未定之秋慮有流離則保聚宜亟防有伏莽則稽察宜嚴其事固較處常爲倍劇而要之成法可師舊章可做其有不必拘泥者又可因時審地而以吾意爲之是循職者猶能自勉未足爲難也若見聞莫及之事問掌籍於史胥半成蠹簡訪遺踪於父老多有異詞又况偏隅之措設不盡登於卷冊也一節之可風不盡顯於衆口也此而欲廣搜勤訪追述無遺卽有博聞強記之士猶憂憂難之況在未嘗學道之俗吏耶余於同治二年夏叨令平邑甫下車存觀風問俗之意索邑乘讀之慨其曠廢不修者百有餘年矣其時邑經失守東寇未靖方汲汲於繕城垣清保甲舉團練以爲保障計無暇究心文獻也越三年境內安歲比稔邑之孝廉李君乾運與二三同人進而以修志請余自顧龕鄙因以任之難勝辭而李君等則懼夫日久而事益湮沒謂此舉爲不容緩余乃諾之卽於六年春設局採著爰集邑之紳耆分寄以搜舉先語於衆曰邑志者邑之史也昔韓昌黎論作史之難凜凜於天刑人禍蓋以失實爲懼也今邑志雖祇記善不同史之兼記善惡而或任濫得美名詎非誣乎所冀諸君子一秉至公善有可稱毋略微賤而遺跡遠善無可述毋諛富顯而私姻親庶幾免於鬼責人非而亦無內疚矣衆聞而共然之凡


### 平鄉縣志

序



所爲採錄者罔不兢兢然以求其實不數月而草創粗就適有鹽梟捻匪之踵擾停閣者逾年今秋臣寇蕩平乘暇裒集始藏厥事斯役也體式沿舊製前事遵原文而品評稱述一聽諸衆論其編次則多出同事諸人之手是余祇受成而已亦何難之有耶雖然刪訂錯訛時參已見詳定義例自出主裁而一善之紀一事之書亦必再三詢考知有可據始錄於篇區區之意竊有自見爲其難其慎者蓋闕其所不知而紀其所可紀亦聊以備文獻之徵已耳或曰志之所載詳風土明制度表賢孝顯循良亦卽蒞斯邑者之治譜也余於此則有憬然思而慙然愧矣既授梓爰敘事之始末於簡端同治七年歲次戊辰仲冬月望日

欽加運同銜知平鄉縣事加五級  
靈川禾邨氏蘇性撰



城池圖




縣署圖



學宮圖



閩縣全圖



入廣宗界

蘇家庄  
范家庄

合義  
西舖上

東廟上  
麟兒村

閻家庄  
東日

李村  
東田村  
西

霍洪村

田未

陳家庄

董園

新漳河久經乾涸

八馬四里馬

張家庄  
葉家庄

高阜鎮

潘南庄

三河東

五馬營

東河村

三河鎮

西河村

至鉅鹿  
界四十五  
里至鉅  
鹿縣六  
十里

無事村  
馬康  
王周

馬康 老五張庄  
四洪康

小米游家庄

蕭庄張范

大時村  
五座樓角天  
官庄

東國圖

萬澤河久已於滅

小田村

姚家庄

大里村

東馬鞍

東劉庄  
艾村

大張村

西

卷一

至廣宗縣五十里  
至廣宗界四十五里



## 重修平鄉縣志舊序

郡邑之有志由來尙矣周官小史掌邦國之志春秋傳所稱周志鄭書是也外史掌四方之志則晉乘楚檣杙魯春秋是也今天下各省之志爲四方之志而畿輔之志則邦國之志也古者天子省方率五年一舉春日岱秋曰華夏日衡山冬曰恒岳其畿內則歲與吏民再相見也厥後巡狩時闕廼命太史採風以詔於王王於是乎審風俗出政教十五國之詩具在而首曰二南其軒輊固有在也且志者志天之文志地之理志人事之成敗志世數之沿革下及一民一物一草一木昆蟲鳥獸魚鱉纖悉必志是上以備一人問俗之典而下以佐百執事之述職其有裨於省方采風之遺意詎不重歟我

國家統一區宇六合同風幅幘之廣亘古所未有

列聖相承重熙累洽典謨訓誥制度文爲視前代特爲精密康熙雍正間

屢詔天下修志郡邑統於省省復爲通志上之史館以爲大一統之採擇以垂億萬年之成規

聖天子高居九重將欲體國經野修政立教明其剛柔燥濕之宜悉其通塞險易之勢可按籍而考也然則

### 平鄉縣志

#### 卷一

舊序

國史者列國之志之統會郡邑之志未始非

國史胚胎也維茲平鄉以九域視之僅彈丸黑子而已而地屬衛境宿列鼎分近復隸

邦畿千里之內其風淳其俗樸地可耕而人多率教喁喁然皆嚮風慕義亦三輔之一良邑也其可

志者足供摭摭顧自康熙十九年前令卞公重修迄今已七十餘年矣其間廢興沿革仕蹟人材蓋

闕如也不及早續輯將愈久而愈難搜羅其不致淹沒而弗彰者鮮矣而僕曩在關中三蒞巖邑兩

攝方州待罪十有餘載修志之役亦數經矣繼以憂去乾隆十二年冬來令茲十甫下車亟欲纂著

因辦理軍需馳驅八閱月嗣復連委大差今歲之春

駕幸江浙又奉 檄承辦差務幾無晷刻暇抵署後爰進邑之紳士而謂之曰修志久厪予懷今獲

少休盍亟襄之僉曰唯又商之學博士鄭君君固廣川知名之士而好事文翰者亦領之以助予之

不逮僕亦擬搆簿書廣搜博訪昕夕參訂不濫不遺未三月之久而其志成易舊志編年紀事之體

爲綱八爲目五十有二裒然成帙以授之梓非敢好異其體式然也私心竊自幸而乃猶有慮焉

國史爲

朝廷之書其於褒貶予奪賢奸忠佞大書特書釐然其不爽邑志出有司之手善善長而惡惡短多獎藉而闕黜陟使觀之者無炯戒之心而生冀倖之念亦奚可乎雖然前事者後事之師也往古者

近今之鑑也俾官斯土者覽志中名宦若而人日必若此而後爲良有司也而心怦怦然動矣產斯土者讀志中列傳若而人日必若此而後稱名臣高士也而心必油然而興矣他如風俗如何而稱爲醇美文藝如何而推爲高潔必有欣以羨者亦必有退然而色沮者則斯志也寓懲創於褒美之中假予奪於取裁之外使覽者有所觀感而興起焉未必非世道人心之一助也是爲序  
乾隆十六年歲次辛未七月既望知平鄉縣事括蒼楊喬謨

## 重修平鄉縣志舊序

五雲蓮渠楊侯有重修縣志之役囑余爲之副而校訂焉志成公既自爲叙而予亦得附數言於簡末竊謂邑之有志卽周官遺意周官內史掌邦國之志外史掌四方之志下至閭閻族師黨正亦歲月有書焉此縣志所由來也雖然縣各有志而獨平鄉之志有不可以概論者平邑民淳俗簡有上古遺風惜乎老成凋謝文獻缺如片紙貴於璠璣一節重於千鈞取人爲善雖小必錄非悉心搜羅則湮沒無聞矣茲役也事取其備而義取其嚴總期無失乎厲世磨鈍之意焉科第仕宦前代以來雲蒸霞蔚至

國朝則幾於景星慶雲忠孝節義自舊志康熙十九年以後泯滅者幾七十餘載鼎革災祥變於上沙洛漳滏變於下城署增修橋閘興廢考其源委紀其時日其亦有慨然於乘天因地創制垂範之意者乎

先聖之追贈加隆 關帝之祭奠彌尊其他設壇建祠秩祀攸關攤丁省徭物蕃風厚若是者皆宜考實徵信以傳後世至職官立政或樹千秋坊表或被雅化一時振古爍今亦當圖其不朽豈可不急思論定以記風烈之實乎哉舊志編年規模非不宏遠但事跡多略且散漫無所統繫茲則一變

舊例體遵記傳爲綱八爲目五十有二事無未備之紀義無假託之端非敢輕變前人亦期與人爲善感發其一念之性眞云爾雖然地無大小因人而變風氣欲開則人文起而應之自然之理也我國家培養士類久道化成良有司興賢舉能善莪樂育而一時沐其教者果能砥行立節以自見於聖明之世平雖小邑將蒸蒸然有起色矣此志之作將以倣周官遺意而閭閻胥族師黨正之書由此升於史館以揚作人之烈也余與楊侯共拭目以望之

乾隆十六年歲辛未七月既望平鄉縣教諭棘津鄭廣緒撰

## 重修平鄉縣志舊序

古今之遙可陳牘而知也天下之大可按籍而見也誰爲爲之曰有志也志者何曰卽史也古者列國各有史秦漢而下郡邑例得爲志以志時事然志事矣而不志年非史也而且門類紛錯載記淆雜是兔園冊耳非史也余見而心竊疑之顧生茲三戶鄉知識寡昧弗敢輕議一日友人劉子鼎以澤州志見示其書創自養吾陳公編年而繫以事條貫歸一易於省覽至于事宜詳載不便瑣贅于年之下如建置田賦之類者則別爲一卷而各年之下止書大綱間有考究弗審仍須訂正者則爲附遺爲存疑爲辯誤于各卷之後其文直其事核其義嚴而正其言質而有徵蓋深得乎史之意而善變乎志之體者也余見而心竊善之以質諸邑侯趙公芙溪公曰志不欲繁繁則猥瑣而不整亦不欲簡簡則缺略而難備若茲之體裁獨創詳略得宜觀止矣可以爲師而廣文胡先生來訓暨邑人張君國棟史君翼經張君明圖李子之實王子鳳岐李子昌黃子師雲復力贊之侯曰唯唯遂于政事之暇節略往乘採訪時事筆者筆削者削而定格摛藻一以藻志爲準若乃品隲褒揚則集輿人之月旦本生民之懿好一切適莫不與焉凡三閱月而書成將以授梓余見而心益竊有感矣夫士君子一行作吏百憂感心萬事勞形僕僕簿書期會之不暇而遑計其他若邑侯以館閣鴻裁製

錦彈邑四年以來修明締造口不勝碑復能於游刃餘閒究心文獻振舉九十年不傳之廢典以儒術潤飾吏治南陽潁川之最績不于此略見一斑也哉則茲志非志也並非史也卽邑侯之循良傳也余于是嘉其事而喜爲之序

康熙十一年壬子小春邑人趙培基題

## 重修平鄉縣志舊序

平鄉縣志自明萬歷之癸未年爲江都周司訓所纂輯迄今九十年矣崇禎戊寅燬其邑之三老子弟家間有缺文甲申之難又燬於是斷簡殘帙悉盡矣乾隆八年予不佞承乏茲邑自巴山來其時水潦初落觀茲鷄鵲啾啾之不暇遑他及乎客歲備兵使者賢襄國太守自北來傳督憲公命諭以去邑之繁費冗役予謹承嚴命今夏徂秋幸五風十雨柴關啟鹿車入粟繁黍穰顧茲色喜長日餘閒乃進諸父老耆舊而謀之曰邑之有志猶國之有史也善惡於是乎備勸戒於是乎存顧可缺略而弗彰也耶邑在邢州之東偏漳水環流太行在望每一登高峯巒迴疊南望清河肥水卽破釜沉甌處也北仰

神京則

天威不遠顏咫尺焉東接堂陽西顧冰井三臺念魏文貞宋廣平之餘烈猶有存者至於俗尙然諾喜氣節雖平原大陸之地氣使使然而吞炭屠狗之遺風依稀見之茲欲裁抑其偏芒而一出於中正俾聞善而興見惡而戒則禮文誨迪之力顧可緩乎今喜得殘稿於明經張君家且邑中諸博雅君子或掛冠投閒或鵬飛暫息咸萃於此予不佞亦欲賦田園荒蕪之詞三者一失則難圖也而可

### 平鄉縣志

#### 卷一

舊序

五

緩乎第亟營之無需於民僉曰諾乃設局於桂月八日訖事於十月望日謹序

康熙歲次壬子嘉平月吉旦西蜀彭門趙弼題